

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Meditationum evangelicarum volumen tripartitum

Creidius, Hartmann

Francofurti ad Moenum, 1682

Exegesis

[urn:nbn:de:bsz:31-122776](#)

In Die Simonis & Iude.

412

refert, quod ad Christum scriperit, ut veniret & curaret ipsum, sed respondit Christus, sibi Hierosolymis adimplenda esse omnia, quorum gratia missus sit, & tunc ad patrem redeundum. Sed post adscensionem suam ad cœlos missurum aliquem ex discipulis, qui passioni ejus medeatur, vitamque & ipsi & omnibus domesticis suis præstiterus sit. Hæc provincia postmodum Iudea Thaddæo demandata est, qui Edeßam profectus Regem Abgarum promissioni in literis Christi sibi factæ firmiter credentem sanavit, & prædicatione Evangelii multis miraculis confirmata tum Regem tum subditos ad lucem veritatis adduxit.

Nos consuetum & prælectum Evangelii ordinari textum ad manus sumemus, & duas partes tractabimus, ut sunt

- I. *Dilectionis præceptio.*
- II. *Persecutionis prædictio.*

J.J:

EXEGESIS.

IN V. T. Levitis mandatum fuit, ut ignis in altari semper arderet, Lev. 6. vers. 12. Ignis charitatis symbolum est, quæ in arca cordis nostri semper ardere debet. Hæc delectatur Dominus plus quam sacrificiis, Os. 6. v. 6. Matth. 9. v. 13. ideo Christus tam sollicitus est ante suum discellum, & varia argumenta producit, quibus charitatem mutuam discipulis suis persuadeat. Hæc nos pari vinculo obligant. Quod enim vobis dico, dico omnibus, Marc. 13. v. 37. Potissima sunt

I. *Mandantis autoritas.* Hæc præcipio vobis, inquit Salvator, ut diligatis vos invicem. Hoc præceptum omnes Christiani meritò attendere & magnificare debent, quia non à Domino aliquo terreno, sed à

Rege Regum & Domino Dominantium nobis injungitur, cuius dominio parent angeli & archangeli, ignis, grando, nix, fulmus, spiritus procellarum, & omnes creature, Ps. 148. v. 8. quantó magis nos præcepto ejus obedientes esse decet. Sumus enim factura ejus, creati in Christo Iesu ad opera bona, qua præparavit Deus, ut in illicis, ambulemus, Eph. 2. v. 10.

Pharaon præcipiebat obstetricibus suis, ut parvulos Hebræorum enecarent, Exod. 1. v. 16. Saul ministris suis imperabat Sacerdotum trucidationem, 1. Sam. 22. v. 17. Nebucadnezar edicto urgebat adorationem statuæ suæ quam erexerat, Dan. 3. v. 15. Talia Christus non præcipit. Mandata ejus sunt fidelia Ps. 111. v. 7. & veritas, Ps. 119. v. 86. Nam utilia docet nos, Es. 48. v. 17. Conservanda igitur sunt instar thesauri, & cordi imprimenda, ne impingamus. Cum ambulaveris, deducant te, cum dormieris, custodiante, & evigilans loquere cum eis, quia mandatum lucerna est, & lex lux, & via vita increpatio disciplinæ, inquit Salomo, Prov. 6. v. 22. 23.

Christus est *Præceptor noster*, Johan. 3. v. 14. *Pastor, noster*, Joh. 10. v. 14. *Rex noster*, Ps. 2. v. 6. Quidni igitur nos discipuli mandatum Præceptoris execui, ovicula vocem Pastoris audire, subditu nutum Regis exprimere deberemus? præsertim, cum, quod hic dictum est Apostolis, in V. & N. Test. saepius inculcatum & repetitum sit. Dictum est in Lege, Lev. 19. v. 18. dictum in Prophetis, Mich. 6. v. 8. dictum in Evangelio, Joh. 13. v. 34. i. Joh. 4. v. 21. Breviter: Total ex uno verbo compleetur, nempe hoc: Diliges proximum tuum, sicut te ipsum, Gal. 5. vers. 14. unde Lex Regia appellatur, quia omnes Regis cœlestis subditos obli-

gat,

gat, & qui hanc præstat, benefacit, Jac. 2. v. 8. qui verò negligit, ad regnum Christi non pertinet, sed homicida est, i. Joh. 3. v. 15. & foras ejicietur cum canibus, Apoc. 22. v. 15.

2. Christianismi sanctitas. Sumus enim, aut ad minimum esse volumus Christi discipuli. Proinde ad nos quoque mandatum illud pertinere faciamus. Ex hoc enim cognoscunt omnes, quod discipuli mei eritis, si charitatem alii in alios habueritis, Johan. 13. vers. 35. i. Johan. 3. vers. 10. ii. Per hoc manifesti sunt filii Dei & filii diaboli, &c.

Si quis igitur dici amat Christianus & Christi discipulus, nec tamen charitatem sectatur, hypocrita est, qui nomen habet quod vivat, & revera mortuus est, Apoc. 3. vers. 1.

3. Operis suavitas. Nam dilectionem requirit, quā quidam bilius? Jacobus Patriarcha serviebat Labani 7. annis pro Rahel, & videbantur illi pauci dies præ amoris magnitudine, Gen. 29. v. 20. Ita charitas omnia perficit & tolerat, i. Cor. 13. v. 7.

Charitas est fructus Spiritus sancti, Galat. 5. v. 22. Ubi igitur charitas est, ibi Spiritus sanctus habet templum suum, i. Cor. 3. vers. 16.

Charitas est testis fidei, Gal. 5. v. 6. Ubi igitur non est fides, quæ per charitatem se exerit, & absque operibus mortua est, Jac. 2. vers. 26.

Charitas est vinculum perfectionis quo membra Ecclesiæ Capiti tuo, quod est Christus, alligantur, Col. 3. v. 14. sicut in V. T. cortina tabernaculi certis anulis copulabantur, Exod. 26. v. 4. seqq. Qui igitur charitatem non amplectitur, sed proximum odio habet, non est membrum genuinum in spirituali corpore Christi, ex hoc enim scimus, quoniam translatis sumus de morte ad.

vitam, quoniam diligimus fratres, i. Joh. 3. vers. 14.

Charitas est condimentum omnium aliorum donorum, quæ destituta charitate nihil profundit, i. Cor. 13. v. 2. seq.

Charitas nunquam excidit, sed in vita æterna demum perfectionem suam assequitur, unde Paulus illam speci & fidei præfert, i. Cor. 13. v. 13.

Charitatem igitur commendatam vobis habete, sequetur enim largissima remunratio, Matth. 25. v. 34.

4. Mundi hostilitas. Mundus est instar cardui, quacunque partellum attrahatur, aculeo suo telredit: Ita mundus in maligno positus est, i. Johan. 5. vers. 19. & si interficit pios & fideles Christi assecetas, arbitratur cultum se præstare Deo, Johann. 16. vers. 2. Nam principem habet diabolum qui homicida est ab initio, Johann. 8. vers. 44.

Quantò magis autem mundus nos odit, & persequitur, tantò intensius nos invicem diligere debemus, ut conjunctis precibus & spiritali molimina ejus declinemus, & superemus. Nam major est, qui in nobis est, quam qui in mundo est, i. Johan. 4. vers. 4.

5. Vocationis dignitas, quia Christus nos à mundo selegit. Non igitur cum mundo inseparare debemus, qui nemini cedere, & per iurgia & contentiones res suas obtinere, sibi laudi dicit. Nam beati mansueti, inquit Christus, quia terram hæreditabunt, beati pacifici, quia filii Dei vocabuntur, Matth. 5. vers. 5. 9. Hæc est vocatio nostra, in qua ambulare debemus cum omni modestia ac mansuetudine, &c. Eph. 4. v. 1. seqq.

Videte, Dilecti, quod nam sit veri Christiani officium, nimis in Christum credere,

Eff. 3.

dere, & proximum diligere. Quanquam enim sola fides justificat, Rom. 3. v. 28. non tamen est sola, sed charitatem habet comitem, quemadmodum Sol splendorem, & ignis calorem, Iac. 2. v. 17. 18.

De Secundo.

Videbimus etiam *Persecutionis predictitionem*, & in primis argumenta, quibus ille pre muniret suos Apostolos, ut sunt:

1. *Dei voluntas.* Nam mementote, inquit, sermonis, quem ego dixi vobis, Q. d. Non casu aut fortuito persecutio illa vos exagitatur, sed quicquid venit crucis & calamitatis, Deo permittente venit, qui capillos capitum vestrum numeravit, & non decidit unus sine eis voluntate, Matth. 10. v. 30.

Hec maxima est *consolatio*. Non Diabolus, non Veneficiæ, non hostes nostri, malum, quo premur, fabricarunt, sed Deus ipse met autor est, Am. 3. v. 6. Ergo confidite vos mei non cum carnifice aut tyranno nobis res est, sed cum benefico Patre, qui fidelis est, & neminem sinit ultra vires tentari, 1. Corinth. 10. v. 13. Confer Ps. 103. v. 13. 14. Ps. 55. v. 23.

2. *Christi conformitas.* Si mundus vos odio habet, inquit Christus, scitote, quia me prius odiit. Evolvite mecum, dilecti, Christi vitam à primordio, nil nisi perpetuam passionem invenietis: Pudeat igitur membrum, delicari sub capite spinis coronato, inquit Bernhardus. Si conformes reddimur imaginis Christi crucifixi, conformes etiam reddemur imaginis Christi gloriosi, confer 2. Tim. 2. v. 11. 12. Luc. 24. v. 26.

3. *Electionis firmitas.* Si de mundo es-
tis, inquit Christus, mundus, quod suum es-
tis, amaret, quia verò de mundo non es-
tis, sed ego vos elegi de mundo, propterea

mundus vos odio habet. Unde pater, quod omnes & singula, quæ nobis in hoc mundo tribulationes inferuntur, indubitatum electionis & adoptionis nostræ argumentum sint.

Principum & magnatum aulicí certis vestimentorum coloribus distinguuntur: Ita Christi symbolum est crux, Gal. 6. vers. 17. quam si gestas in corpore tuo, de numero aulicorum ejus quod sis, inde cognosce. Quos enim mundus ut abortivos ejicit, hos Christus ut filios charissimos suscipit, inquit Cyrilus. Propter gloriantes in tribulationibus, Rom. 5. v. 3. expectare mercedem copiosam in cœlis, Matth. 5. v. 12.

4. *Causa bonitas.* Hæc omnia facient vobis, ait porrò Christus, propter nomen meum, quod certè non contemnendum consolationis monumentum est. Si quis enim affligitur, non ut homicida, aut fur, aut maleficus, aut alienarum rerum inspecto, sed ut Christianus, non pudebit, sed glorificet DEUM hac in parte, inquit Petrus, 1. c. 4. v. 15. 16.

Ita Moses eligebat potius affligi cum populo Dei, quam tempore la peccati jucunditatem habere, Ebr. 11. v. 25. Apostoli gaudentes discedebant à conspectu Concilii, quod digni habitu essent, qui pro nomine Iesu contumelias ferrent, Act. 5. v. 41.

Babylas, Antiochenus Episcopus, sub Decio Imperatore martyrio coronatus, tanti aestimabat catenas, quibus vincitus erat, ut liberari nolle, cum ad supplicium rapretur, sed rogaret, ut in hoc ornatus sibi mori licaret.

Videte igitur, vos mei, ut bonam habeatis conscientiam, quæ neque in morte trepidat, Prov. 14. v. 32.

5. *Hostium cæcitas.* Nam non noverunt cum,